

四庫全書

史部

欽定四庫全書

史部

欽定八旬萬壽盛典卷七十七

詳校官編修臣潘紹經

欽定四庫全書

八旬萬壽盛典卷第七十七

圖繪一

臣等謹案圖與史相為表裏將欲攬物肖形摹寫
盛美惟期於藻繪太平之中昭揭夫

聖天子勤民愛物之隱而同樂之隆風自著焉我

皇上作會垂裳諧愉擊壤五十餘紀以來恒昭無逸豳
風之鑑豈區區王會職貢所可擬諸形容者茲當

八表慶崇臣等欣奉

俞音輯成

盛典

天章之煥著

帝德之光被暨夫

鴻功景焯

盛事駢臚禮洽

恩翔謳頌洋溢亦既按次分門備登簡帙矣而於敷天

獻祝之日臣民恭迎

慶輦夾道歡呼時也天暢晴和地蒸協氣莊壇左右數
十里舞綵陳歌効祥瑞豫不啻雲霞萬色金石千
聲洵極體大物博情深而文明者焉臣等目睹斯
盛爰約畧其規模著之圖幅謹自

西華門至西直門為一圖自西直門至

圓明園大宮門為一圖釐次二編分系以說而若西
華門以內至

隆宗門則斜延閣道周達

禁垣瑞藻紛敷弗從曲繪覽斯圖者其咸知

聖朝不尚虛文而

睿情深惜物力即一繪事而仰窺焉有爭睹之為快欣
感之無已者而豈鋪張揚厲侈丹青粉飾之工也
哉

乾隆五十五年秋八月臣民恭舉慶典自

西華門至

圓明園

輦道所經數十里內備綵飾奏衢歌陳百戲十二日
駕進大內受朝賀十三日

八旬萬壽大慶禮成十六日

駕還圓明園具設如前謹繪

萬壽長圖用紀中外慶祝之盛

















































































































































































































































